



# SLUŽBENE NOVINE

## KANTONA SARAJEVO

Godina XVIII – Broj 36

Četvrtak, 19. septembra 2013. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo

Na osnovu člana III.4. i V.1.2.(1) Ustava Federacije Bosne i Hercegovine, člana 15. st. 2. i 3. i člana 18. tač. b) i j) Ustava Kantona Sarajevo ("Službene novine Kantona Sarajevo", br. 1/96, 2/96, 3/96 16/97, 14/00, 4/01 i 28/04), Skupština Kantona Sarajevo, na sjednici održanoj dana 09.09.2013. godine, donijela je

#### ZAKON

##### O PRENOŠENJU NADLEŽNOSTI ZA DONOŠENJE ZAKONA O TUŽILAŠTVU KANTONA SARAJEVO

###### Član 1.

(Prenošenje nadležnosti)

Ustavna nadležnost Kantona Sarajevo za donošenje Zakona o tužilaštvu Kantona Sarajevo prenosi se na Federaciju Bosne i Hercegovine, radi donošenja Zakona o tužilaštvima u Federaciji Bosne i Hercegovine.

###### Član 2.

(Stupanje na snagu)

Ovaj zakon stupa na snagu danom objavljivanja u "Službenim novinama Kantona Sarajevo".

Broj 01-02-23085/13                      Predsjedavajuća  
09. septembra 2013. godine      Skupštine Kantona Sarajevo  
Sarajevo                                      Prof. dr. **Mirjana Malić**, s. r.

Na osnovu člana 18. tačka b) u vezi sa članom 38. stav 1. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 09.09.2013. godine, donijela je

#### ZAKON

##### O IZMJENAMA ZAKONA O SUDSKIM TAKSAMAMA

###### Član 1.

(Izmjena člana 4. Zakona )

U Zakonu o sudskim taksama ("Službene novine Kantona Sarajevo", br. 21/09, 29/09 i 14/11), član 4. mijenja se i glasi:

###### "Član 4.

(Plaćanje takse i preduzimanje radnji u postupku)

(1) U slučaju da stranka sudu dostavi podnesak bez dokaza o plaćenju taksi, sud donosi rješenje iz člana 19. ovog zakona.

(2) Sud će postupiti na način utvrđen u stavu (1) ovog člana i u slučaju kada odbije zahtjev za oslobađanje od plaćanja takse.  
(3) Neplaćena sudska taksa ne zadržava tok sudskog postupka."

###### Član 2.

(Brisanje stava (4) člana 9. Zakona)

(1) U članu 9. stav (4) briše se.

###### Član 3.

(Izmjena st. (1) i (2) člana 19. Zakona)

U članu 19. st. (1) i (2) mijenjaju se i glase:

"(1)Iznos takse koju je takseni obveznik dužan da plati obračunava službeno lice koje preduzima radnju u postupku, rješenjem kojim se stranka obavezuje da taksu plati u roku od osam dana od dana prijema rješenja.  
(2) Protiv rješenja iz stava (1) ovog člana je dozvoljena žalba u roku od osam dana od dana prijema rješenja."

###### Član 4.

(Stupanje sa snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo."

Broj 01-02-23084/13                      Predsjedavajuća  
09. septembra 2013. godine      Skupštine Kantona Sarajevo  
Sarajevo                                      Prof. dr. **Mirjana Malić**, s. r.

### Vlada Kantona Sarajevo

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 34. sjednici održanoj 10.09.2013. godine, donijela je

#### ODLUKU

##### O DAVANJU PRETHODNE SAGLASNOSTI ZA OSNIVANJE PRIVATNE OSNOVNE MUZIČKE ŠKOLE "AMADEUS"

###### I

Daje se Emiru Nuhanoviću, iz Sarajeva prethodna saglasnost za osnivanje Osnovne muzičke škole "Amadeus".

###### II

Nalaže se primaocu saglasnosti iz tačke I ove odluke da, u skladu sa članom 11. do 16. Zakona o osnovnom odgoju i obrazovanju ("Službene novine Kantona Sarajevo", br. 10/04,